



UNIVERSITÄTS-
BIBLIOTHEK
PADERBORN

Universitätsbibliothek Paderborn

Series Actorvm Omnivm In Canonizatione Sancti Thomae a Villanova, Cognomento Eleemosynarij

Romae, 1658

Nicolaus tituli Sanctae Mariae Angelorum Cardinalis Ludouisius.

urn:nbn:de:hbz:466:1-9857

estimatione rerum coelestium, contemptu humanarum, imple-
nit; alterum verò, vt quisquam maximè, exhibuit accuratissimo
Pastoralis muneris vsu, & sudoris, atque auri profusione inexhau-
sta; dum his, aut vitio pararet bellum, aut virtuti præsidium.
Vt propterea ei maximè deceat per Sanctitatem Vestram sum-
mos decerni honores, cuius summas constat fuisse virtutes, cum
præsertim monuerit nos Christus Dominus; ne lucernam, que
virtus Sanctorum est, in abscondito habeamus, sed palam; vnde
illa miraculis illustret, virtutum exemplis etiam accendat Ec-
clesiam.

Vincentius tituli Sancti Clementis Cardinalis Maculanus.

EX relatis in hoc veritatis Senatu, iustum videtur, vt Beatus
Thomas Archiepiscopus Valentinus, ex Ordine Eremita-
rum Sancti Augustini assumptus, quem Deus copioso gratiæ suæ
dono aduersus Diaboli, Mundi, & Carnis tentationes protexit,
ad heroicum virtutis culmen extulit, plebi suæ afflictissimis tem-
poribus in subsidium dedit, gloria miracolorum toti Orbi mani-
festauit; in albo Sanctorum Confessorum, solemnî Canonizatio-
nis ritu, conscribatur: vt omnis caro confiteatur Domino, quo-
niam bonus, & non continet in ira sua misericordias suas, dum
nostris exigentibus peccatis, visitat nos in virga furoris sui ex
vno, ex altero nos munit nouo auxiliatore: Hostes nostros
permittit, qui luctuosa tempora excitent, & Amicos suos mul-
tiplicat, qui Ecclesiam exhilarent. Benedictus Deus, qui fecit no-
biscum misericordiam hanc maximam.

Nicolaus tituli Sanctæ Mariæ Angelorum Cardinalis Ludouisus.

Beatum Thomam de Villanoua Coelitibus olim adiunctum,
Beatissimè Pater, incredibilis illa ab ipsa infantia ad vlti-
mum vsque spiritum, in pauperes miseratio, Zelus, & ardor,
tum

tum religiosæ disciplinæ pueri, tum Ecclesiæ administrandæ
 aliæque heroicæ virtutes, & miracula per ipsum à Deo patriata
 restantur: Quapropter, supremos honores, titulosque in Eccle-
 sia tanto Viro decernere libere posse Sanctitatem Vestram, exi-
 stimo; vt & illi debitus cultus exhibeatur, & Christianus popu-
 lus maiori cum fiducia eius auxilium imploret.

Federicus tituli Sancti Martini in Montibus Cardinalis Sfortia.

Virtutum omnium ornamentum ita in Beato Thoma eluxit,
 vt factus Templum Spiritus Sancti, miraculis clarus efful-
 serit, quorum prodire præcipua, & magna frumenti copia in
 horreo penitus vacuo inuenta, & duo mortui ad vitam reuocati:
 verè imitator eius, qui ex nihilo omnia fecit, & è sepulcro præ-
 buit se ipsum vinum.

Viros pietate insignes, Sanctorum fastis adiungere Sanctæ
 Inquisitionis decreta rem planè difficilem reddidere. Iam trigesi-
 mus recurrit annus à postremo Canonizationis actu. Sed is, qui
 spirat quando, & vbi vult, fecit in prauis directa, & in asperis
 vias planas, mininè passus præscriptioni cœlestia esse obnoxia,
 qua sunt addicta æternitati.

Arbitror igitur, Sanctitatis Vestræ oraculo posse optimo iure
 inter Sanctos referri tam præclarum Heroem, à quo Antistites,
 Augustiniana familia, Natio Hispana, totusq; Christianus popu-
 lus lætanter accipient quid discant, & imitentur.

Fabritius tituli Sancti Augustini Cardinalis Sabellus.

Cum in Dei, ac proximi dilectione tota lex pendeat: dubi-
 tandum non est, illam Beatum Thomam à Villanoua pe-
 nitus affectum; qui semper se maior in Diuina dilectione se to-
 tum impenderit, adeoque Diuinæ legis obseruantia, sanctissi-
 mæ vitæ ratione meditatus est, vt ex ea nec vnus apex exciderit.

Vnde